



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Concilivm Constantinopolitanvm Occasione Marcelli Ancyranii Celebratvm
Ab Arianis.

urn:nbn:de:hbz:466:1-15072

MARCVS PAPA. C. CONSTANTINOPOLIT. CONSTANTINVS
I.M.P.

Ratio 4. restatur Athanasius in epistola ad omnes orthodoxos. Quarta, quod Marcus Nonis Octobris huius anni Constantino imperatore adhuc viuente defunctus fuerit: ideoque non possit non suspectum esse de fide, quod x. Kalendas Nouembiris Nepotiano & Facundo consilibus hanc epistolam scripsisse legatur. Quinta: Si Marcus papa exemplum misisset ad Alexandrinos ex Romano scrinio, certo conuenissent deinceps inter se exemplaria Romanum & Alexandrinum: quomodo ergo in exemplari a sancto Cyrillo ex Alexandrino ad Africanos mislo, isti tres Canones de appellationibus deerant, qui in Romano inueniebantur? Idem igitur qui, ut bene consuleretur assertioni Zosimi & Bonifacii de Nicæno Canone extra numerum vicenarium allegato, epistolam illam Bonifacii papæ ad Eulalium episcopum Alexandrinum de restitura communione ecclesiæ Africanæ confinxit, has easdem Marci ad Athanasium, & Athanasii ad Marcum confinxisse & concinnasse putatur. Baron. anno 336. num. 59. & 60. Bellarminus lib. 2. de Rom. pont. cap. 25.

C O N C I L I V M
C O N S T A N T I N O P O L I T A N V M ANNO CHRISTI 336
OCCASIONE MARCELLI ANCYRANI
C E L E B R A T V M A B A R I A N I S .

N O T A .

Causa Con-
cili. *Concilium.*] Cum Ariani in Concilio Nicæno Marcellum Ancyranum in Galatia episcopum suæ factioi infensissimum aduersarium sensissent, ipseque vocatus ad encænia Hierosolymitanæ ecclesiæ cum Eusebianis communicare nollet, ad imperatorem rem detulerunt: huius auctoritate deinde ad Synodus Constantinopolitanam anno Christi 336. celebratam dicturus causam conuocatus, comparuit cum propinquioribus episcopis fere omnibus Eusebianis Eusebius Nicomediensis, Eusebius Cæsariensis, Theognis, Patrophilus, Vrsacius, & Valens Arianorum antesignani, eo fine ut Athanasium sede sua, modo quo supra in notis ad vitam Marci diximus, exturbarét, illuc conuenerant. Vbi cum Athanasium per nouam calumniam in exilium expulserint, viribus omnibus laborarunt, ut Marcellus alter fidei catholicæ defensor acerrimus eadem sententia percelleretur. Itaque post multas calumnias, cum crimine hæreses falso insimulatum, quasi contra Asterium scribens cum Paulo Samosateno sentiret, Christumque purum hominem esse doceret, condemnarunt, & episcopatu abdicatum in exilium eiecerunt. Deinde hac re pro voto suo egregie peracta, Arium ob infidelitatis & hæresis suspicionem ab Alexandrinis reiectum, recte & orthodoxe sentire Ariani iudicant. Iumento eamdem fidem professus, in ecclesiæ communionem recipi ab imperatore iubetur, idque deinde, quod supra in notis ad Marci vi-

Qui inter-
fuerunt.

Acta Con-
cili.

ANNO tam dixi, miraculose contigit. Hæc ex Rufino, Epiphanio hæresi 74.
CHRISTI Athanaf. apol. 2. de synodis & epist. ad solitarios, Baronius ann. 336.
336. num. 27.

VITA,
EPISTOLÆ ET DECRETA
IVLII PAPÆ I.

Ex libro pontificali Damasi papæ.

IVLIVS natione Romanus, ex patre Rustico, sedit annos quindecim, menses duos, dies * xviii. Fuit autem temporibus Constantii hæretici filii Constantini, a consulatu Feliciani & Maximini. Hic post multas tribulaciones in exilio fuit mensibus decem, & post Constantii mortem cum gloria reuersus ad sedem beati Petri apostoli, fecit basilicas duas, vnam iuxta forum, & aliam via Flaminia: & coemeteria tria, vnum via Flaminia, aliud via Aurelia, & aliud via Portuensi. Hic constitutum fecit, vt nullus clericus causam quamlibet in publico ageret, nisi in ecclesia, & vt notitia quæ omnibus fidem facit, per notarios colligeretur, & vt omnium monimentorum in ecclesia consecratio per primicerium notariorum celebraretur, siue quod cautiones, vel instrumenta, vel donationes, vel commutations, vel traditiones, aut testamenta, vel colligations, aut manumissiones clericorum in ecclesia per * scrinium sanctum celebrentur. Hic fecit ordinationes tres in vrbe Roma per mensem Decembrem, presbyteros octodecim, diacones tres, episcopos per diuersa loca nouem. Qui etiam sepultus est via Aurelia in coemeterio Calepodii, pridie Idus * Aprilis. Et cessauit episcopatus dies vigintiquinque.

N O T A E.

* *Iulius.*] Vigesimalia die Octobris, anno Domini 336. qui est Constantini imperatoris ultimus, Iulius cuius Romanus pontificatus ecclesiæ adeptus est. Cuius initio Constantinus imperator catholicæ & orthodoxæ fidei confessor e vita discedens, tres filios hospes, Constantium, Constantium, ac Constantem imperii sui henedi. redes reliquit: hoc iis moriturus præcipiens, vt Athanasium, quem

Concil. Tom. 2.

Aaaa ij